

honorables Philippes Berengier, Fleury Chomet, Claude Mayod, Estienne Baudrand, Estienne Chinallier, appoticaire, et Jehan Chappoton, conseillers dud. Coindrieu, eulx faisans fort pour les aultres habitans dudit Coindrieu, d'une part; et Jehan Beaudrand, dict Vert, charpentier dud. Coindrieu, d'autres parties. »

Celui-ci expose « qu'il a vne maison au lieu des Granges en ceste ville de Coindrieu, qui est joignante le portal des Granges et aux murs de la ville dudit Coindrieu, du cousté du leuant, et que pour la tuission (11) de ladite ville et pour la commodité, s'il plaisoit ausd. consulz et habitans, il voudroit faire et ediffier vne tour sur le mur de ladite ville, avec les cannonnières necessaires et aux conditions qu'il leur plaira.

« Laquelle requeste lesdits consul ou chastelain luy auroyent accordé, ayant esté sur le lieu et fait deue visitation. Et y estant encoures, a esté accordé et permis audit Baudrand faire et ediffier ladite tourt, en et sur les murs de ladite ville de Coindrieu, auprès le portal desdites Granges du cousté des terraulx. Laquelle tour aura de largeur, par dehors lesdicts murs et murailles de ladicte ville, troys pas d'home raysonnables, la muraille de lad. tour, y compris laquelle tour, sera ronde et la fera de l'auteur nécessaire, la muraille de laquelle tour sera depuis la fondation jusques au milhieu de deux pied d'homme d'espaisseur, et depuis le milhieu jusques en hault d'vng pied et demy d'homme; laquelle tour il sera tenu faire de l'auteur pour le moingtz jusques à la syme de la muraille ou mur de ladite ville, et plus si bon luy semble; laquelle tour il sera

---

(11) *Tuission*, défense.